

碧岩錄

卷九

五

25
へ
1

印



i 003

藥山射麀中麀
大龍山花澗水
雲門古併露柱
維摩不二法門
桐峰忽逢大虫
雲門厨庫三門
玄門藥病相治
玄沙三種病人
了老大悲千眼
看門般若体用

煇官犀牛扇子
世尊一日陞座
大光這野狐精
楊巖吾不見時
長慶無二種語
趙州示三轉語
金剛罪業消滅
天平商量西錯
國師十身調御
已陟谷吹毛劍

佛果圓悟禪師碧巖錄卷第九

昔示云擡旗奪鼓千聖莫當半斷諸訛萬機不到不是
神通妙用亦非本體如然且道憑箇什麼得恁麼奇特
公舉僧問藥山平田溪草麀鹿成群如何射得麀中麀
把臂投衙擎頭帶角出來腦後拔箭山云看箭就身
打劫下坡不是快便難逢着僧放身便倒為然不同
一死更不再活弄精意漢山云侍者拖出這死漢據
令而行不勞再勘前箭猶輕後箭深僧便走棺木裏
瞋眼死中得活猶有氣息在山云弄泥團漢有什麼
限可惜許放過據令而仁雪上加霜雪竇拈云二步
雖活五步須死一手擡一手擡直饒走五步也須變

身失命後云看箭且道雪寒意落在什麼處若果
死同生藥山直得目睜口呆一向似無孔鐵鎚堪作
何用

塵音瞪

直耕切怒目直視也

呿

祛遮立伽二切張口兒

這公案洞下謂之借事問亦謂之辨主問用明當機鹿
與麀尋常易射唯有麀中麀是鹿中之王最是難射此
麀鹿常於崖石上利其角如鋒鉅穎利以身護惜羣鹿
虎亦不能近傍這僧亦似惺惺引來問藥山用明第一
機山云看箭作家宗師不妨奇特如擊石火似閃電光
豈不見主平初參石叢叢不見來便作響弓勢云看箭
主平撥開臂云此是殺人箭活人箭叢叢彈弓弦云下三
平便禮拜叢云三十年一張弓兩隻箭今日只射得半

箇聖人便拗折弓箭主平後舉似木叢叢云既是活人
箭為什麼向弓弦上辨主平無語叢云三十年後要人
舉此話也難得法燈有頌云古有石叢師架弓矢而坐
如是三十年知音無一箇主平中的來父子相投和子
細思量元伊是射垛石叢作畝與藥山一般主平頂
門具眼向丁句下便中一似藥山道看箭其僧便作
麀放身倒這僧也似作家只是有頭無尾既做園續要
陷藥山爭奈藥山是作家一向逼將去山云侍者拖出
這死漢如展陣向前相似其僧便走也好是則是爭奈
不脫灑粘脚粘手所以藥山云弄泥團漢有什麼限藥
山當時若無後語千古之下進人檢點山云看箭此僧

便倒。是道是會。是不會。若道是會。藥山因以手摩云。這處道弄泥團。漢這箇最正。以僧問德山學人。仗鐵錘劍。擬取師頭時。如何。山引頸近前云。因僧云。師頭被也。德山低頭歸方丈。又巖頭問僧。什麼處來。僧云。西京來。巖頭云。黃巢過後。曾收得劍麼。僧云。收得。巖頭引頸近前云。因僧云。師頭落也。巖頭呵呵大笑。這般公案。都是陷虎之機。正類此。恰是藥山。不管他。只為識得破。只管逼將去。雪竇云。這僧三步雖活。五步須死。這僧雖甚解。看箭便放身倒。山云。侍者。拖出這死漢。僧便走。雪竇道。只恐三步外不活。當時若跳出五步外。天下人便不奈他。何。作家相見。須是賓主始終互換。無有間斷。方有自由。

終身主

藥

自在。分這僧當時。既不能始終。所以遭雪竇檢點。後面亦自用他語。頌云。

塵中塵。高着眼看。擎頭戴角去也。君看取。何似往第二頭走。要射便射。看作什麼。下一箭中也。須知藥山好手。走三步。活鱖鱖地。只得三步。死了多時。五步若活。作什麼。跳百步。忽有箇死中得活時。如何。成羣起。虎二俱此。照須與他倒退。始得天下。補僧云。他這頭也。只在草窠裏。正眼從來付獵人。爭奈藥山未肯承。當這話。藥山則故是雪竇。又作麼生。也不干藥山事。也不干雪竇事。也不干山僧事。也不干上座事。雪竇高聲云。看。看。一狀領過也。須與他倒退。始得打云。已。

舉却你咽喉了也

塵中塵君看取納僧家頭是具塵中塵底更有箇中塵
底頭角有機關有作路任是捕翼猛虎戴角太蟲也只
得全身遠害這僧當時放身便倒自道我是塵下一箭
走三步山云看箭僧便倒山云侍者拖出這死僧
便走也甚好爭奈只走得三步五步若活成羣趁虎靈
竇道只恐五步頭死當時若跳得出五步外活時便能
成羣去趁虎其塵中塵角利如鎗虎見亦畏之而去塵
爲鹿中王常引羣鹿趁虎入別山靈竇後面頌藥山亦
有當機出身處正眼從來付獵人藥山如能射獵人其
僧如塵靈竇是時因上堂舉此語束爲一團話高聲道

一似云看箭坐者立者一時起不得

垂示云竿頭絲線具眼方知格外之機作家方辨且道
作麼生是竿頭絲線格外之機試舉看

今舉僧問木龍色身敗壞如何是堅固法身話作兩機

分開也好龍云山花開似錦澗水湛如藍無孔笛子

撞着豎拍板渾崙擎不破人從陳州來却往許州去

此事若向言語上見一如掉棒打月且得汝交游中人

分明道欲得親切莫將問來問何故問在答處答在問

處這僧檐下一檐茶碗換一檐鶻突致箇問端敗缺不少

若不是木龍爭得蓋天蓋地他恁麼問木龍恁麼答一

合相更不移法下絲毫頭一似見角放鷹看孔着便二

乘十二分教還有這箇時節麼也不妨奇特只是言語
無味杜塞人口是故道一片白雲橫谷口幾多啼鳥夜
迷巢有者道只是信口答將去若恁麼會盡是滅胡種
族漢殊不知古人一機一境敲枷打鎖一句一言渾金
璞玉若是衲僧眼腦有時把住有時放行照用同時人
境俱奪雙放雙收臨時通變若無天用大機爭解恁麼
籠天罩地大似明鏡當臺胡來胡現漢來漢現此公案
與花藥欄話一般然意却不同這僧問處不明太龍答
處恰好不見僧問雲南樹凋葉落時如何門云體露金
風此謂之箭鋒相拄這僧問太龍多身敗壞如何是堅
固法身太龍云山花開似錦澗水湛如藍一如君向西

奏我之東舊他既恁麼行我却恁麼行與他雲南一
倍相返那箇恁麼行却易見這箇却不恁麼行却難見
太龍不妨三寸甚密雲南頌云

問曾不知東西不辨弄物不知各異相相頭塔過不
會南北不分換却觔觔江南江北月冷風高何似生
今日正當這時節天下人有眼不曾見有耳不曾聞
古嚴寒檣不雨時更好無孔笛子撞手就拍救堪笑
路逢達道人須是親到這裏始得還我拄杖子來
成羣作隊恁麼來不將語默對向什麼處見太龍將
箇什麼對他好手把白玉鞭一至七初拈了也驢珠
盡擊碎留與後人看可惜許不擊碎放過一着又恁

麼去增瑕。弄泥團作什麼。轉見即當過。彌天國
有憲章。識法者。懼。朝打三千暮打八百。三千條罪。只
道得一半。在八萬四千無量劫來。隨無間業。也未還
得一半在。

雪竇頌得最有工夫。前來頌雪竇。語却云。問既有答。亦依同。這箇却不焦麼。却云。問曾不知答。還不會。大龍
答處。傍瞥。真是奇特。分明是誰恁麼問。未問已前。早
敗缺了也。他答處。能恰好。應機直道。山花開似銀。滴
水湛如藍。你諸人如今作麼生會。未龍意。答處。傍瞥。直
是奇特。所以雪竇頌出。教人知道。只冷風高更撞着。古
巖寒檜。且道他意作麼生會。所以適來道。無孔笛子撞

着。龍拍板。只這四句。頌了也。雪竇又怕人作道理。却云
堪笑路逢達道人。不將語默對山事。且不是見聞覺知
亦非思量分別。所以云。的無兼帶。獨運何依。賴路逢
達道人。不將語默對。此是香巖頌雪竇。引用也不且。僧
問趙州。不將語默對。未審將什麼對。州云。呈漆器。這箇
便同適來話。不落你情塵。意思想。似什麼。手把白牛鞭。
驪珠盡。擊碎。是故祖令。當行十方坐斷。此是劒刃上事。
須是有恁麼作略。若不恁麼。總辜負。從上諸聖。到這裏。
要無此子事。自有好處。便是向上人行履處也。既不擊
碎。必增瑕。類便見漏逗。畢竟是作麼生得。是國有憲章。
三千條罪。五刑之屬。三千莫大於不孝。憲是法。章是條。

三千條罪一時犯了也何故如此只為不以不分事決
又若是大龍必不焦麼也

三舉雲門示眾云古佛與露柱相交是第幾機三千里
外沒交涉七花八裂自代云東家人死西家人助哀

丁令相不可得南山起雲乾坤莫觀刀砢不入北山
下雨點滴不施半河南半河北

雲門大師出八十餘真善知識遷化後七十餘年開容
觀之灑然如故他見地明白機境迅速大凡垂語別語
代語直下孤峻只這公案如擊石火閃電光真是神
出鬼沒慶藏主云二大藏教還有這般說話麼如今人
多向情解上作活計道佛是三昧導師四生慈父既是

古佛為什麼却與露柱相交若恁麼會卒摸索不着有
者喚作無中唱出殊不知宗師家說話絕意識絕情量
絕生死絕法塵入正位更不存一法你纔作道理計較
便纏脚纏手且道他古人意作麼生但只使心境一如
好惡是非撼動他不得便說有也得無也得有機也得
無機也得這裏拍拍是令五祖先師道大小雲門元
來膽小若是山僧只向他道第八機他道古佛與露柱
相交是第幾機一時間且向目前包裹僧問未審意旨
如何門云一條條三十文買他有定乾坤底眼既無人
會後來自代云南山起雲北山下雨且與後學通箇入
路所以雲實只拈他定乾坤處教人見若纔犯計較

箇鋒錯則當面蹉過只要原他雲雨宗旨明他發機所以須出云

南山雲乾坤莫覩刀斫不入北山雨點滴不施半河
南半河北四七二三面相覩幾處覓不見帶累傍人
露柱掛燈籠新羅國裏曾上堂東湧西沒東行不見
西行利那裏得這消息來太唐國裏未打鼓遲一刻
還我話頭來先行不到末後太過苦中樂教阿誰知
樂中苦兩重公案使誰舉苦便苦樂便樂那裏有兩
頭三面來誰道黃金如糞土具眼者辨試拂拭看阿
刺刺可惜許且道是古佛是露柱

南山雲北山雨雪竇買帽相頭看風使帆向劒刃上與

你下箇注脚直得四七二三面相覩也莫錯會此只須
古佛與露柱相交是第幾機了也後面劈開路打葛藤
要見他意新羅國裏曾上堂太唐國裏未打鼓雪竇向
雪轉星飛處便道苦中樂樂中苦雪竇似堆一堆七珍
八寶在這裏了所以末後有這一句子云誰道黃金如
糞土此一句是禪月行路難詩雪竇引來用禪月云山
高海深人不測古往今來轉青碧淺近輕浮莫與交地
界只解生荆棘誰道黃金如糞土張耳陳餘斷消息行
路難行路難君自看且莫土曠人稀雪竇羅漢
垂示云道是是無可是言非非無可非是非已去得失
兩忘淨裸裸赤灑灑且道面前背後是箇什麼或有箇

衲僧出來道。面前是佛殿。三兩皆是寢堂。方丈且道。此人還具眼也。無若辨得此人。許你親見古人來。
四舉維摩詰問文殊師利。這漢太煞合應一場合。取口何等是菩薩。入不二法門。知而故犯。文殊曰。如我意者。道什麼。直得分疎不下。擔枷過狀。把響投響。於一切法。喚什麼作一切法。無言無說。道什麼。無示無識。瞞別人。即得離諸問答。道什麼。是為入不二法門。用入作什麼用。許多菩薩作什麼。於是文殊師利問維摩詰。我等各自說已。仁者當說何等是菩薩入不二法門。這不第莫道金粟如來。設使三世諸佛。也開口不得。倒轉鎗頭來也。刺殺一人。中節還似射人時。雪

竇云。維摩道什麼。咄。萬箭攢心。替他說道理。復云。勘破了也。非但當時。即今也。恁麼雪竇也是賊。過後張弓。雖然為眾竭力爭奈。柵此私門。且道雪竇還見得落處麼。夢也。朱夢見說什麼。勘破。嶮金毛獅子也。摸索不着。

維摩詰令諸大菩薩各說不二法門。時三十二菩薩皆以二見有為無為。真俗二諦。合為一見。為不二法門。後問文殊。文殊云。如我意者。於一切法。無言無說。無示無識。離諸問答。是為入不二法門。蓋為三十二人以三言遣言。不殊以無言遣言。一時掃蕩。總不要是為入不二法門。殊不知靈龜曳尾。拂迹成痕。又如掃蕩。掃塵相似。塵

雖去前迹猶存未後依前除蹤跡於是文殊却問維摩
詰云我等各自說已仁者當自說何等是菩薩入不二
法門維摩詰默然若是活漢終不去死水裏浸却若作
恁麼見解似狂狗逐魂靈實亦不說良久亦不說默然
據坐只去急急處云維摩詰什麼只如雪竇恁麼道還
見維摩麼夢也末夢見在維摩乃過去古佛亦有眷屬
助佛宣化其不可思議辯才有不可思議境界有不可
思議神通妙用於方丈室中容三萬二千獅子寶座與
八萬大衆亦不寬狹且道是什麼道理喚作神通妙用
得麼且莫錯會若是不二法門雖同得同證乃相共
證知獨有文殊可與對雖然恁麼還免得雪竇檢責

也無雪竇恁麼道也要與這二人相見云維摩道什麼
又云勘破了也你且道是什麼處是勘破處只這此字
不拘得失不落是非如萬仞懸崖向上捨得性命跳得
過去許你親見維摩也捨不得大似抵手觸著雪竇故
然是捨得性命底人所以頌出云

除蹤跡餘蹤跡

咄這維摩老咄他作什麼朝打三千暮打八百咄得
不濟事好與三十棒悲庄空喚喚悲他作什麼自有
金剛王寶劍為他閑事長無明勞而無功且疾毗耶
離因誰致得帶累一切人全身太枯槁病則且置為
什麼口似圍牆飯也喫不得喘也喘不得七佛祖師
來客來須看賊來須打成羣作隊也須是作家始得

下室且頭插猶有這箇在元來在鬼窟裏作活計請
問不二門若力可說被他說了也打云和聞黎也尋
不見當時便倒落天蒼大道計麼不非倒死中得
活猶有氣息在金毛獅子無處計咄還見麼蒼天蒼
天

靈寶道咄這維摩老頭上先下一咄作什麼以金剛王
寶劍當頭直截須朝打三千葛打八百始得梵語云維
摩詰此云無垢稱亦云淨名乃過去金剛如來也不見
僧問靈寶和尚既是金剛如來爲什麼却於此擗逆如
來會中聽法箇云他不爭人我大解脫人云拘成佛不
成佛若道此修行務成禪道轉沒交涉譬如圓覺經云

左

以輪迴心生輪迴見入於如來太寂滅海終不能至永
嘉云或是或非人不識逆行順行大莫測若順行則趣
佛果位中若逆行則入眾生境界壽禪師道直歸你磨
鉢得到這田地亦未可順汝意在直往論無漏聖身始
可逆行順行所以靈寶道悲生空懊惱維摩經云爲衆
生有病故我亦有病無惱則其絕也其疾毗耶離維摩
示病於毗耶離城也唐時王玄策使西域過其居遂以
手板縱橫其室得十笏因名方丈全身太枯槁因以
身疾廣爲說法云是身無常無強無力無改速朽之法
不可信也爲此爲醫衆病所集乃至陰界人所共合成
七佛祖師來文殊是七佛相師承此尊已往彼問疾一

室且頻掃方丈內皆除去所有唯留一像等文殊至請
問不二法門也所以雪竇道請問不二門當時便靠倒
維摩口似匾權如今禪和子便道無語是靠倒耳其錯
認定盤星雪竇實投到萬仞懸崖上却云不空倒一手擡
一手榻他有這般手脚真是用得玲瓏此須前面枯云
維摩道什麼金毛獅子無處討非但當時即今也怎麼
還見維摩老病盡山河大地草木叢林皆變作金毛獅
子也摸索不着

垂示云把定世界不漏纖毫盡大地人亡降結舌是衲
僧正令頂門放光照破四天下是衲僧金剛眼睛點鐵
成金點金成鐵忽擒忽縱是衲僧拄杖子坐斷天下人

舌頭直得無出氣處倒退三千里是衲僧氣宇且道總
不恁麼時畢竟是箇什麼人試舉看

舉僧到桐峯庵主處便問這裏忽逢大蟲時又作麼
生作家弄影漢草窠裏一箇半箇庵主便作虎聲將
錯就錯却有牙爪同生同死承言須會宗僧便作白
勢兩箇弄泥團漢見機而作似則也似是則未是庵
主呵呵大笑猶較些子寒中有刀亦能放亦能收僧
云這老賊也須識破敗也兩箇都放行庵主云爭柰
老僧何劈耳便掌可惜放過雪上加霜又一重僧休
去恁麼休去二俱不了蒼天蒼天雪竇云是則是兩
箇惡賊只解掩耳偷鈴言猶在耳遭他雪竇點檢且

通當時言作麼生免得點檢天下衲僧不到

太雄宗派下出四庵主太梅白雲虎溪桐峯看他兩人
怎麼眼親手辨且道請託在什麼處古人一機一境一
言一句雖然出在臨時若是眼目周正自然活潑潑地
雲實拈教以識邪正辨得失雖然如此在他達人分上
雖處得失却無得失若以得失見他古人則沒交涉如
今人須是各各窮到無得失處然後以得失辨人若一
向去揀擇三局處用心又到幾時得了去不見雲門大
師道行即漢吳只空遊州獵豕只欲得提擲閑言語待
老和尚口說便問禪問道向上向下如何若何大卷抄
將去問莊皮裏卜度到處火爐邊三箇五箇聚頭舉

口喃喃地便道這箇是公平話這箇是就身打出語這
箇是事上道底話這箇是體裏語體你屋裏老郎老媽
囉却飯了只管說夢便道我會解脫了也將知恁麼行
脚驢年得休歇去古人暫時間拈弄豈有勝負得失是
非等見桐峯見虎溪其時在深山草庵這僧到彼中遂
問這裏忽逢大蟲時又作麼生舉便作虎聲也好就事
便行這僧也會將錯就錯便作怕勢庵主呵呵大笑僧
云這老賊峯云舉茶老僧何是則是二俱不了千古之
下遭人點檢所以直裏道是則是兩箇惡賊只解掩耳
偷鈴他二人雖皆是賊常欲却不用所以掩耳偷鈴此
二老如排白萬軍陣却只問掃帚為論此事須是殺又

後

不能眼底手腳若一向縱而不擒一向殺而不活不免
道人怪笑雖然如是他古人亦無許多事看他兩箇恁
麼總是見機而作五相道神通游戲三昧莊嚴三昧
嚴主三昧自是後人腳跟不點地只去點檢古人便道
有得有失有底道分明是庵主落節且得沒交涉雲
道他二人相見皆有放過處其僧道這裏忽逢大蟲時
又作麼生幸便作虎聲此便是放過處乃至道爭奈老
僧何此亦是放過處着着落在第二幾雲雲道要用便
用如今人聞恁麼道便道當時好與行令其真盲柳瞎
棒只如德山入阿便棒臨濟入阿便喝且道古人意如
何雲雲發面便只如此頌出且道畢竟作麼生免得擒

耳飾鈴去頌云

見之不取蹉過了也已見千里萬里思之千里悔不
當初若夫若夫好箇斑斑團團白領出去爭奈未
解用在爪牙未備只恐用處不明待爪牙備向何道
君不見大雄山下忽相逢有條攀條無條攀因落落
聲光皆振地這大蟲却恁麼去猶較些子幾箇男兒
是丈夫大丈夫見也無老婆心切若解開眼同生同
死雲雲打葛藤收虎尾方捋虎鬚忽然突出如何收
收天下衲僧在這裏忽有箇出來便與一撥若無收
放你三十棒教他轉身吐氣喝打云何不道這老賊
見之不取思之千里正當驗處都不能使等他道爭奈

老僧何好與本分草料當時若不得這手脚他必須有
後語二人只解不解收見之不取早是白雲萬里更
說什麼思之千里好箇斑斑爪牙未備是則是箇大蟲
也解藏牙伏爪爭奈不解咬人君不見太華山下忽相
逢落落聲光皆振地百丈一白問黃檗云什麼處來檗
云山下採薪子來文云還見太華麼檗便作虎聲文於
腰下取斧作斫勢檗約住便掌文至晚上堂云大雄山
下有_一汝等諸人出入切須好看老僧今日親遺一
口後來過山問仰山黃檗虎話作麼生仰云和尚尊意
如何過山云百丈當時合_一斧斫殺因什麼到此仰
山云不然過山云予又作麼生仰山云不唯聽虎頭亦

解收虎尾過山云寂子甚有驗崖之句雪竇引用明前
面公案聲光落落振於大地也這箇些子轉變自在要
句中_有出身之路大丈夫見也無還見麼收虎尾方將
虎鬚也須是本分任收虎尾捋虎鬚未免一時穿却
鼻孔

垂示云把定世界不漏絲毫截斷眾流不存消滴開口
便錯擬議即差且道作麼生是透關底眼試道看
公舉雲門再語云人人盡有光明在_{黑漆桶}看時不見
暗昏昏看時瞎作麼生是諸人光明山是山水是水
漆桶裏洗黑汁自然云厨庫三門老漢心切打著藤
作什麼云好事不如無自知_一半猶較些子

雲雨室中語接久你等諸人脚跟下各各有一段光明輝騰今古迥絕見知雖然光明恰到問着又不曾豈不是暗昏昏地二十年垂未都無人會他意香林後來請代語問云厨庫三門又云好事不如無尋常代語只一句爲什麼這裏却兩句前頭一句爲什麼開一線路教你見若是箇漢聊聞舉着則起便行他怕人滯在此又云好事不如無依前與你掃却如今人纔聞舉着光明便去瞠眼云那裏是厨庫那裏是三門且得後交涉所以道識取鉤頭意莫認定盤星此事不在眼止亦不在境上頭是絕知見忘得失淨裸裸赤灑灑各各當分上究取始得雲雨云日裏來往日裏辨人忽然半夜

沒

無日月燈光曾到處則故是未嘗到處取一併物還取得麼爲同契云當明中有暗勿以暗相觀當暗中有明勿以明相遇若坐斷明暗且道是箇什麼所以道心花發明照十方刹盤山云光非照境境亦非存光境俱忘復是何物又云即此見聞非見聞無餘般般色即是香箇中若了全無事體用何妨分不分但會取未後一句了却去前頭遊戲畢竟不在裏頭作活計古人道以無住本立一切法不得去這裏弄光影弄精爽之不得作無事會古人道聲聞起有見如須彌山不可起無見如芥子許三乘人多偏墜此見雲雷頌云
自照列孤明森羅萬象賓主交參列轉昇孔瞻漢作

從如

什麼為這道一線何止一線一白並照於一線道即
得花謝樹無影打著藤有什麼了期向什麼處摸索
黑漆桶裏盛黑汁看時誰不見暗不可終長離摸歷
兩暗三暗見不見兩頭俱坐斷暗倒時半入佛殿
中三門合掌還我話頭來打云向什麼處去也雪竇
也只向黑漆桶裏作活計還會麼半夜日頭出日午打
三更

自照列孤明自家脚跟下本有此一段光明只是尋常
用得暗所以雲門大師與你羅列此光明在你面前且
作麼生是諸人光明屈庫三門此是玉函又孤明處也
盤山道心月孤圓光吞萬像這箇便是真常獨露然後

與君通一線亦怕人着在屈庫三門處屈庫三門則且
從却朝花亦謝樹亦無影日又落月又暗盡乾坤大地
黑漫漫地諸人還見麼看時誰不見且道是誰不見到
這裏當明中有暗暗中有明皆如前後步自可見雪竇
道見不見須好事不如無合見又不見合明又不明倒
騎牛兮入佛殿入黑漆桶裏去也須是你自騎牛入佛
殿看道是箇什麼道理

垂示云明眼漢沒窠臼有時孤峯頂上直漫漫有時鬧
市裏頭赤灑灑忽若分然那此現三頭六臂忽若日面
月面放普攝慈光於一塵現一切身齊隨類入和泥合
水忽若撥着向上竅佛眼也觀不着設使千聖出頭來

也須倒退三千里還有同得同證者麼試舉看

舉雲門示衆云藥病相治只今相不可得盡大地是

藥苦藥連根苦藥向上一邊那箇是自己喻及微細胡

那裏得這消息來

治證之切攻理也音昔

雲門道藥病相治盡大地是藥那箇是自己諸人還有
出身麼歷二六時中管取壁立千仞德山棒如雨點臨
濟喝似雷奔則且致釋如自釋迦彌勒自彌勒未知落
處者往往喚作藥病相投會去世尊四十九年三百餘
會應機設教皆是應病與藥如將蜜果換苦葫蘆和
既出汝諸人葉根金癩癩落後盡大地是藥你向什麼
處揮此用若插得箭許你有轉身吐氣處便親見雲門你

治

若回顧脚踏取插箭不得雲門在你脚跟底藥病相

治也只是尋常語論你若着着道你說無你若着無與

你說有你若着不有不無與你去糞場堆上現丈六金

身頭出頭沒只如今盡大地森羅萬象乃至自己一時

是藥當應麼時却喚那箇是自己你一向喚作藥彌勒

佛下生也未莫見雲門在畢竟如何識取鉤頭意豈認

定盤星文殊一日令善財去採藥云不是藥者採將來

苦爾徧採無不是藥却來白云無不是藥者文殊云是

藥者採將來善財乃拈一枝草度與文殊文殊提起示

衆云此藥亦能殺人亦能活人此藥病相治話最難看

雲門室中尋常用接人金鶴長老一日訪雲門他是箇

作家乃臨濟下尊宿與雪竇論此藥病相治話一夜至
天光方能盡弄到這裏學解思量討較總使不着雪竇
後有頌送他道藥病相治見最難萬重關鎖太無端金
鵝道者來相訪學海波瀾一夜乾雪竇名道頌得最有
士夫他意亦在賓亦在主自可見也頌云
盡大地是藥教誰辨時機沙撒土礮高處着古今何
太錯言中有響一筆勾下關門不造車大小雪竇
為衆竭力提出我門道不掛一絲毫阿誰有問主
夫向鬼窟裏作活計通途自寒暑脚卡便入草上馬
見路信手拈來不妨奇特錯錯雙劍倚空飛一箭落
雙雕鼻孔迎夫亦穿却頭落也打云穿却了也

工 架

盡大地是藥古今何太錯你若喚作藥會自古自今一
時錯了也雪竇云有般漢不識在斷太梅脚跟只道
貪程大速他解雪竇問脚跟爲雪竇這一句惑亂天下
人雪竇云拄杖子是浪計你七縱八橫盡大地是浪看
你頭出頭沒問不造車通余自寒暑雪竇道爲你通
一線路你若閉門造車出門合轍濟箇甚事我這裏閉
門也不造車出問自然寒暑他這裏受暑此子錯錯教
人見又連忙却道錯錯前頭也錯後頭也錯誰知雪竇
開一線路也是錯既然鼻孔添夫爲什麼也穿却要會
麼且參三十年你有拄杖子我與你拄杖子你若無拄
杖子不免被人穿却鼻孔

垂示云門庭施設使徒破二條二個埋深談也須是
七穿八穴當機敲點金鎖玄關據空而行直得掃
蹤跡且道請託在什麼處其頂明眼者請說與看
舉玄沙示眾云請方老宿盡道接物利生隨分開箇
鉢盂隨家豐儉忽思三種病人來作麼生接打草只
要此驚山僧直得目擊口說取倒還三千里愚盲
者拈鉢盂拂他人不見端曲暗是則接物利生未必
不見在患聾者語言三昧他又不能聞端的聾是則接
物利生未必聾在是那箇迷惛在患啞者教尹說文
說不得端的啞是則接物利生未必啞在是那箇未
識在且作麼生接若接此人不得佛法無靈驗誠哉

是言山僧拱手歸隱已接了也便打僧請益雲門也
要諸方共知看雲門云汝禮拜着風行草履僧禮
拜起這僧拂拭拄杖子也雲門以拄杖拄僧背後門
云汝不是患盲端的暗若道這僧患盲好復喚近前
來僧近前第二村惡水澆觀音來也當時好與一喝
門云汝不是患聾端的聾若道這僧患聾好門乃云
還會麼何不與本分草料當時好與作聲僧云不會
兩重公案蒼天蒼夫門云汝不是患啞端的啞口吧
吧地莫道這僧啞好僧於此有省既過後張弓討斤
磨礮

持

持陵切惣

去

去作切張

陸

陸栗切音

道是時諸方列刹相望尋常示眾道場方老宿盡道接
物利生忽遇三種病人來時作麼生接患盲者枯鎖以
拂他又不可見患聾者語三昧他又不可聞患啞者教他
說又說不得且作麼生接若接此人不得佛法無靈驗
如今人若作盲聾瘖啞會卒摸索不着所以道萬句
中死却須是會得玄沙意始得玄沙常以此語接人有
僧次在玄沙處一日上堂頭問和尚云三種病人語還
許學人說道理也無玄沙云許僧便珍重玄沙云不
是不是這僧會得他玄沙意後來法眼云我聞地藏和
尚舉這僧語方會三種病人語右道這僧不曾法眼為
什麼却作麼道若道他會玄沙為什麼却道不是不是

一日地藏道某甲聞和尚有三種病人語是否沙云是
藏云瑤瑤現有眼耳鼻舌和尚作麼生接玄沙便休去
若會得玄沙意豈在言句上他會底自然殊別後有僧
舉似雲門問便會他意云汝禮拜着僧禮拜起所以往
杖搖這僧退後問云汝不是患盲復喚近前來僧近前
問云汝不是患聾乃云會麼僧云不會云汝不是患
啞其僧於此有省當時若是箇漢等他道禮拜着僧與
掀倒禪床豈見有許多葛藤且道雲門與玄沙會處是
同是別作兩人會處都只一般看佗古人出來作千萬
種方便意在鈎頭上多少苦口只令諸人各各明此一
段事五祖老師云一人說得却不曾一人却入得說不得

二人若來參如何辨得他若辨這兩人不得響取為心
解粘去縛不得在若辨得纔見人問我便着草鞋向你
肚裏走幾遭了也猶自私自計付麻碗出言直裏作有
聾瘡啞會好若恁麼計較所以道眼見色如盲等耳聞
聲如聾等又道道眼不視色滿耳不聞聲又殊常觸目
觀音塞耳根到這裏眼見如盲相似耳聞如聾相似方
能與玄沙意不爭多諸人還識盲聾瘡啞底漢子麼處
麼看取靈寶頌云

盲聾瘡啞已在言前三觀俱明已做一段了也香絕
機宜向什麼處摸索還做計較得麼有什麼玄妙天
上天下平理自由我也恁麼堪笑堪悲箇什麼悲

是

箇什麼半明半暗離婁不辨正色

瞎漢巧匠不留蹤

端的瞎師曠豈識玄絲玄絲入功不立實端的聾聾

如獨坐虛窓下須是恁麼始得莫向見裏裏作活計

一時打破漆桶葉落花開自有時即今什麼時節
不得作無事會今日也從朝至暮明日也從朝至暮

復云還會也無重說偈言無孔鐵鎚自領出去可惜

旅過便力

離

莊子天地篇作離朱

玄絲

一作玄絲

盲聾瘡啞香絕機宜盡你見與不見聞與不聞說與不

說靈寶一時與你掃却了也直得盲聾瘡啞見解機宜

計較一時香絕總用不着這箇向上事可謂真盲真聾

真啞無機無宜天上天下堪笑堪悲靈寶一手擡一手

擗且道笑箇什麼悲箇什麼堪笑是亞却不亞是聾却不聾堪悲明明不盲却不盲明明不能聾却聾難要辨正色不能辨青黃赤白正是瞎離黃帝時人百步外能見秋毫之末其目甚明黃帝游於赤水沉珠於離朱尋之不見合與諸神亦不得後於象罔尋之方獲之故云象罔到時光燦爛離婁行處浪滔天這箇高處一着直是離婁之目亦辨他正色不得師曠識玄絲周時絳州晉公之子師曠字子野之樂木師也善別五音六律隔山聞絃聞時晉嬰楚爭霸師曠唯鼓琴撥動風絃知戰楚必無功雖然如是雪竇道他尚未識玄絲在不能却是龍虎底人這箇高處玄音直是師曠亦識不得

絃

雪竇道我亦不作離婁亦不作師曠爭如獨坐虛窓下葉落花開自有時若到此境界雖然似不見聞以不開說似不說既即喫飯困即打眠任他葉落花開葉落時是秋花開時是春各各自有時即雪竇與你一時掃蕩了也又放一線道云還會也無雪竇力盡折腰只道得箇無孔鐵匙這一句急看眼着方見若攖議又蹉過師舉拂了云還見麼遂敲禪床一下云還聞麼下禪床云還說得麼



一作問象

垂示云通身是眼見不到通身是耳聞不及通身是口說不着通身是心察不出通身即且止忽若無眼作麼生見無耳作麼生聞無口作麼生說無心作麼生鑒若

是

向箇裏檢得一條道便與古佛同參參則且止且道
參箇什麼人

雲巖問道吾天悲菩薩用許多手眼作什麼當時
好與本分草料你尋常走上走下作什麼問來問作
什麼吾云如人夜半背手摸枕子何不用本分草料
一音引衆云巖云我會也將錯就錯賺殺一船人同
坑無異土未免傷鋒犯手吾云汝作麼生會何勞更
問也要問過好與一拶巖云偏身是手眼有什麼交
涉鬼窟裏作活計泥裏洗土現吾云道即太煞道只
道得八成同坑無異土奴兒婢麼軟癩兒童伴巖云
師兄作麼生取人處分爭得也好與一拶吾云通身

是手眼飯跳不出手換却你眼睛移却舌頭還得十
成也米喚爹作爺

雲巖與道吾同參藥山四十年勸不着席藥山出曹洞
一宗有三人法道盛行雲巖下洞山道吾下石霜船子
下來山大悲菩薩有八萬四千母陀羅臂大悲有許多
手眼諸人還有也無百丈云一切語言文字俱皆宛轉
歸于自己雲巖常隨道吾密參決擇一日問他道大悲
菩薩用許多手眼作什麼當初好與他劈脊使棒免見
後有許多葛藤道吾慈悲不能如此却與他說道理意
要教他便會却道如人夜半背手摸枕子當深夜無燈
光時將手摸枕子且道眼在什麼處他便道我會也吾

云汝作麼生會嚴云偏身是手眼吾云道即太煞道只
道得八成嚴云師兄又作麼生吾云通身是手眼且道
偏身是底是通身是底是雖似爛泥却脫灑如今人多
去作情解道偏身底不是通身底是只管咬他古人言
句於古人言下死了殊不知古人意不在言句上此皆
是事不獲已而用之如今下注脚立格則道若透得此
公案便作龍象會以手摸渾身摸燈籠露柱盡作通身
話會若恁麼會壞他古人不少所以道他參活句不參
死句須是絕情盡意根淨裸裸赤灑灑地方可見得大
悲話不見曹山因僧應物現形如水中月時如何僧云
如驢驢弄山云道即然道只道得八成僧云和尚又作

麼生山云如非驢驢便同此意也你若去語上見總將
道盡塞眼圍繞不得雪竇作家更不向句下死直向頭
上行頌云

偏身是四皮八節末是神僧極則麼通身是頂肉上
有半邊猶在軍窟裏暗拈來猶較十萬里放過則不
可何止十萬里也非謂此小境界將謂謂
特點撥風鼓蕩如海水非予塵埃將謂天下人不柰
作何過是何埃蓋兮忽生重爲禪人下注脚斬拈却
都那裏那箇毫釐兮未止別別吹散了也截君不見
又恁麼去網珠垂範影重重未小大雪竇作這箇去
就下消許依稀打著鼻息頭手眼從何起咄哉過後

鵬或作

便

張弓放箭你不得盡大地人無出氣處放得又須喫棒
又打咄云且道山僧底是雪竇底是咄三喝四喝後
作麼生

於蓋切塵也通作場

徧身是通身是若道背手摸枕子底便是以手摸身底
便是若作恁麼見解盡向鬼窟裏作活計畢竟徧身通
身都不是若要以前識去見也大悲話且是猶較十萬
里雪竇前得一句活道拈來猶較十萬里後句須雪竇
道吾肯持此云長翅鵬騰六合雲抔風鼓蕩四溟水太
鵬吞龍以爲鼎搏風鼓浪其水開三千里遂取龍吞之雪
竇道你若太鵬能搏風鼓浪也太煞雄壯若以大悲千
手眼觀之只是此子塵埃忽生相似又似一毫毫風吹

崩

未正相似雪竇道你若以手摸身用作手眼堪作何用
於此大悲話上直是未在前所以道是何埃埃忽生那
箇毫毫未正雪竇自謂作家一時拂迹了也事未後
而依舊漏逗說箇前子依前只在圈結裏君不見網珠
垂範影重重雪竇引而網明珠以用垂範手眼且道落
在什麼處華嚴宗中立四法界一理法界明一味平等
故二事法界明全理成事故三理事無礙法界明理事
相融大小無礙故四事事無礙法界明一事徧入一切
事一切事徧攝一切事同時交參無礙故所以道一塵
纔舉大地全收上一塵全無邊法界一塵既爾諸塵亦
然網珠者乃天帝釋善慧堂前以摩尼珠爲網凡一珠

中映現百千珠而百千珠俱現一域中交映重重主伴
無盡此用時事事無礙法界也昔賢面國師立為鏡燈
論面十鏡中設一燈若看東鏡則九鏡鏡燈歷然齊
現若看南鏡則鏡鏡如然所以世尊初成正覺不離苦
提道場而徧昇初利諸夫乃至於一切處七趣九會說
華嚴經重重以帝網珠垂示事事無礙法界然六相義
甚明由即總即別即同即異即成即壞舉一相則六相
俱現但為眾生日用而不知重重相帝網明珠無範流
此大悲話且是如此你若善能向此珠網中明得拄杖
子神通妙用出入無礙方可見得手眼所以雲巖云捧
頭手眼從何起教你捧頭取證喝下承當只如德山入

得

子

喝

門便捧且道手眼在什麼處臨濟入門便喝且道手眼
在什麼處且道雲巖未後為什麼更着箇咄字參
垂示云聲前一句千聖不傳面前一絲長時無間淨裸
裸赤灑灑頭蓬鬆耳卓勃且道作麼生試舉看
舉僧問智門如何是般若體通身無影象坐斷天下
人舌頭用體作什麼門云蚌含明月光吞萬象即且
止掉頭正眼事如何曲不藏直重上加霜又一重僧
云如何是般若用倒退三千里要用作什麼門云兔
子懷胎喻苦楚連根苦甜瓜徹蒂甜向光影中作活
計不出智門窠窟若有箇出來且道是般若體是般
若用且要土上加泥

智門道蚌含明月，兔子懷胎都甲子。秋意雖然如此古，
人意却不在蚌兔上。他是雲門會下尊宿，一句語須具
三句。所謂「蓋乾坤，句截斷衆流，句隨波逐浪，句亦不
消安排，自然恰好，便去。」噯，這僧話畧露些手鋒，錯
不妨奇特。雖然，這麼他古人終不去弄光影，只與你指
些路頭教人見。這僧問：「如何是般若體？」智門云：「蚌含明
月，漢江出蚌蚌中有明珠，到中秋月出蚌於水面浮開，
只含月光，感而產珠，合浦珠是也。若中秋有月，則珠多，
無月則珠少，如何是般若？」用門云：「兔子懷胎，此意亦無
異。兔屬陰，中秋月生，開口吞其光，便乃懷胎。口中產兒，
亦是月，月則多，無月則少。他古人效颦，無許多事，他只

借其意而答般若光也。雖然，這麼他意不在言句上。自
是後人太言句上作活計，不見盤山道：「心月孤圓，光吞
萬象，光非照境，境亦非存，光境俱亡，復是何物？」如今人
但瞠眼喚作光，只夫情上生解，空裏釘橛。古人道：「汝等
諸人六根門頭，晝夜放大光明，照破山河大地，不只止
眼根放光，鼻舌身意亦皆放光也。到這裏，直須打疊六
根，下無一星事，淨裸裸赤灑灑，地方見此話，落麁雪實
正恁麼，頌出：

一片虛凝絕，謂情攝心，即差動念，即隔佛眼也。觀不
見人天從此見空生，須菩提好與三十棒，用這老漢
作什麼，設使須菩提也倒退三千里。蚌含月，兔深深。


意也須是常人始得有什麼意何須更用深深去會
與禪家作戰爭千劫已忘天下太平還會麼打云聞
衆喫得多少

一片虛凝絕謂情雪竇一句便領得好自然見得古人
意六根湛然是箇什麼只這一片虛明凝寂不消去天
上討也不必向別人求自然常光現前是處壁立千仞
謂情即是絕言謂情壁也法眼圓成實性頌云理極忘
情謂如何得論齊到頭霜夜月住運落前溪果熟猿
重山遙似路迷舉頭殘照在元是住居西所以道心是
根法是塵兩種猶如鏡上痕塵垢盡時光始現心法雙
忘性即真又道三間茅屋從來住一道神光萬境閑莫

把是非來翫我浮生穿鑿不相開只此頌亦見一片虛
凝絕謂情也入夫從此見空生不見須菩提巖中宴坐
請天雨花讚歎尊者云空中雨花讚歎復是何人夫云
我足梵夫尊者云汝云何讚歎天云我重尊者善說般若
若波羅蜜多尊者云我於般若未嘗說一字汝云何讚
歎天云尊者無說我乃無聞無說無聞是真般若又復
動地雨花看他須菩提善說般若且不說體用若於此
見得便可見智門道蚌含明月兔子懷胎古人意雖不
在言句上爭奈答處有深深之旨惹得雪竇道蚌含玄
兔深深意到這裏曾與禪家作戰爭天下禪和子開浩
浩地商量未嘗有一人夢見在若與智門重寶同參

也須是自着眼始得

佛果圓悟禪師碧巖錄卷第九



佛果圓悟禪師碧巖錄卷第十

垂示云超情離見去縛解粘提起向上宗乘扶豎正法
眼藏也須十方齊應八面玲瓏直到恁麼田地直道還
有同得同證同死同生底麼試舉看

舉鹽官一日喚侍者與我將犀牛扇子來打著藤不
少何似這箇好消息侍者云扇子破也可惜詩好箇
消息道什麼官云扇子既破還我犀牛兒來漏逗不
少幽州猶自可最苦是新羅和尚川犀牛兒作什麼
侍者無對果然是箇無孔鐵鎚可惜詩投子云不辭
將出恐頭角不全似則似爭奈兩頭三面也是說道
黑雲蓋拈云我要不全底頭角堪作何用將錯就錯

石霜云若還和尚即無也道什麼撞着鼻孔雪竇拈
云犀牛兒猶在喚海蟾羅說收頭去真福畫一圓相
於中書一牛字章藻不識拈出弄影漢雪竇拈云適
來爲什麼不將出金鎚不辨也是草裏漢保福云和
尚年尊別請人好憐地裏罵官人對辛道苦作什麼
雪竇拈云可惜勞而無功兼身在內也好與三十棒
灼然

鹽官一日喚侍者與我將犀牛扇子來此事雖不在言
句上且要驗入平生意氣作畧又須得如此藉詞而顯
於臘月三十日看得力作得主萬境從然觀之不動可
謂無功之功無力之力鹽官延齊安禪師古時以犀牛

看

角爲扇時鹽官豈不知犀牛扇子破故問侍者侍者云
扇子破也者他古人十二時中常在裏計撞着磕着鹽
官云扇子既破還我犀牛兒來且道他要犀牛兒作什
麼也只要驗人知得落處也無投子云不辭將去恐與
角不全雪竇云我要不全底頭角亦向何處便投機石
霜云若還和尚即無也雪竇云犀牛兒猶在真福畫一
圓相於中書一牛字爲他承嗣仰山平生愛以境致接
又明此事雪竇云適來爲什麼不將出又穿他鼻孔了
也保福云和尚年尊別請人好此語道得穩當則三則
語却易見此一句語有遠意雪竇亦打破了也山僧舊
日在慶藏主處理會道和尚年尊之輩得頭忘尾適來

索扇子如今索犀牛兒難為執侍故云別請人好雪竇
云可惜勞而無功此皆是下語格式古人見徹此事各
各雖不同道得出來百發百中須有出身之路句句不
失血脉如今人問着只管作道理計較所以十二時中
要人咬嚼教滴水滴凍求箇證悟處看他雪竇須一串
云

按 七卷切撞也

犀牛扇子用多時遇夏則涼遇冬則暖人人具足為甚不知阿誰不曾用問着元來總不知知則知會則不會莫曉人好也怪別人不得無限清風與頭角在什麼處不向自己身上覓向什麼處會天上天下頭角重寶是什麼無風無浪盡同雲雨去難追蒼天蒼夫

也是失錢遭罪雪竇復云若要清風再發頭角重生
人人有箇犀牛扇子十二時中全得力因什麼問
着總不知還道得麼請禪客各下一轉語鹽官猶在
三轉了也問云扇子既破還我犀牛兒來也有一箇
半箇咄也好推倒禪床時有僧出云大眾參堂去賊
過後張弓被手却放箭不捕後不迭店雪竇喝云
批釣釣鯢魚釣得箇蝦蟇便下座招得他什麼地賊
過後張弓被手却放箭不捕後不迭店雪竇喝云
大眾參堂去是會不會若是不會爭解恁麼道若道
會時雪竇又道批釣釣鯢魚只釣得箇蝦蟇便下座
且道諸說在什麼處試請參詳

犀牛扇子用多時問着元來總不知人人有箇犀牛扇子十二時中全得他力爲什麼問着總不知去看待者投子乃至保福亦總不知且道雪竇還知麼不見無着訪丈殊喫茶次丈殊舉起玻璃盞子云南方還有這箇麼着云無殊云尋常用什麼喫茶着無語若知得這箇公案落處便知得犀牛扇子有無限清風亦見犀牛頭角峰嶺四箇老漢恁麼道加朝雲暮雨一去難追雪竇復云若要清風而後頭角重生請禪客各下一轉語問云扇子既破還我犀牛兒來時有一禪客出云大衆參堂去這僧奪得主家權柄道得也笑道只道得八成若要手成便與掀倒禪床你且道這僧會犀牛兒不會若

不會却解恁麼道若會雪竇因何不肯伊爲什麼道拋釣釣魚兒只釣得箇蝦蟆且道畢竟作麼生諸人無事試拈撥看

垂示云動絃別曲三載難逢見免放鷹一時取後總一切語言爲一句攝大千沙界爲一塵同死同生七穿八

穴還有證據者麼試舉看

舉世尊一日陞座賓主俱失不是一回漏逗文殊白

座愁人莫向愁人說說向愁人愁殺人打鼓弄琵琶

相逢兩會家

世尊未拈花已前早有這箇消息始從鹿野苑終至拔

連

提河幾曾用着金剛王寶劍當時眾中若有神僧氣息
底漢總得去免得他末後拈花一場狼籍世尊良久問
被文殊一拶便下座那時也有這箇消息釋迦掩室淨
名杜口皆似此這箇則已說了也如肅宗問忠國師造
無縫塔話又如外道問佛不問有言不問無言之語看
佗向上人行復幾曾入鬼窟裏作活計有者道意在默
然處有者道在良久處有言明無言底事無言明有言
底事未嘉道默時說說時默總恁麼會三生六十劫也
未夢見在你若便直下承當得去更不見有凡有聖是
法平等無有高下且曰與三世諸佛把手共行後面看
雲霧自然見得領出

列聖叢中作者知靈山八萬木衆皆是列聖文殊普賢
千箇萬箇中難得一箇半箇法王法令不如斯隨他
走底如麻似粟三頭兩面灼然能有幾人到這裏會
中若有仙陀客就中難得伶俐人又文殊不是作家關
黎定不是何必文殊下一提更下一提又何妨第二
第三提總不要當機一句作麼生道發

列聖叢中作者知靈山八萬木衆皆是列聖文殊普賢
乃至彌勒主伴同會須是巧中之巧奇中之奇方知他
落處靈雲慧辯列聖叢中無一箇人知有若有箇作家
者方知不恁麼何故文殊白槌云諦觀法王法法王法
如是靈雲道法王法令不如斯何故如此當時會中若

有箇漢頂門具眼睛後有符向世尊未陞座已前觀得
破更何必文殊白槌涅槃經云仙陀婆一名四寶一者
藍二者水三者器四者馬有一智臣善會四義王若欲
灑洗要仙陀婆臣即奉水食藥奉藍食設奉器飲漿欲
出奉馬隨意應用無差灼然須是箇伶俐漢始得只如
僧問香嚴如何是王索仙陀婆嚴云過這邊來僧過嚴
云鈍置殺人又問趙州如何是王索仙陀婆州下禪床
曲躬叉手當時若有箇仙陀婆向世尊未陞座已前透
去猶較些子世尊更陞座便下去已是不着便了也那
堪文殊更白槌不妨鈍置他世尊一上提唱且作麼生
是鈍置處

三舉僧問太光長慶道因齋慶諸意看如何重光這漆
桶不妨疑着若問不知太光作舞莫嫌殺人也舊得
前恁麼來僧禮拜又恁麼去也是則是只恐錯也光
云見箇什麼便禮拜也好一撥須辨過始得僧作舞
依樣畫貓兒果然錯會非光影漢光云這野狐精此
思難報三十二祖只傳這箇

西天四七唐土二三只傳這箇些子諸人還知落處麼
若知免得此過若不知依舊只是野狐精有者道是裂
轉他鼻孔來瞞人若真箇是成何道理太光善能為
人他句中有出身之路大凡宗師須與人抽釘拔楔去
粘解縛方謂之善知識太光作舞這僧禮拜未後僧却

接

作舞太光云這野狐精不是轉這情畢竟不知的當你
只管作舞迴相恁麼到幾時得休歇去太光道野狐精
此語截斷金牛不妨奇特所以道他參活句不參死句
雪竇只愛他道這野狐精所以須出且道這野狐精與
藏頭白海頭黑是同是別這漆桶又道好師僧且道是
同是別還知麼觸處逢渠雪竇頌云

前箭猶輕後箭深百發百中向什麼處迴避誰云黃
葉是黃金且作止啼癰得小兒也無用處曹溪波浪
如相似弄泥團漢有什麼限依樣畫貓兒放行一路
無限平人被陸沉遇着活底人帶累天下衲僧摸索
不着帶累閻黎出頭不得

前箭猶輕後箭深太光作舞是前箭復云這野狐精是
後箭此是從上來瓜牙誰云黃葉是黃金仰山示衆云
汝等諸人各曰回光返照莫記五言汝等無始劫來皆
明投暗妄想根深卒難頓拔所以假設方便奪汝塵識
如將黃葉止小兒啼如將蜜果換苦葫蘆相似古人權
設方便爲父及其啼止黃葉非金世尊說一代時教也
只是止啼之說這野狐精只要換他業識於中也有權
實也有照用方見有的僧巴鼻若會得如虎插翼曹溪
波浪如相似儼忽四方八面學者只管大家如此作舞
一向恁麼無限平人被陸沉有什麼救處
垂示云聲前一句千聖不傳面前一絲長時無間淨裸

裸赤灑灑露地白牛眼卓朔耳卓朔金毛獅子則且置

金毛獅子

且道作麼生是露地白牛
舉楞嚴經云吾不見時何不見吾不見之處好實消
息用見作什麼非迎老子漏通不少若見不見自然
非彼不見之相咄有甚開工夫不可教山僧作兩頭
三面去也若不見吾不見之地向什麼處去也鐵鐵
擬相似咄自然非物按牛頭喚草更說什麼口頭聲
色云何非汝汝說我總沒交涉打云還見釋迦老
子麼爭奈古人不肯承當打云脚跟下自家看取還
會麼

楞嚴經云吾不見時何不見吾不見之處若見不見自

然非彼不見之相若不見吾不見之地自然非物云何
非汝雪竇到此引經文不盡全引則可見經云若見是
物則汝亦可見吾之見若同見者名為見吾吾不見時
何不見吾不見之處若見不見自然非彼不見之相若
不見吾不見之地自然非物云何非汝辭多不錄阿難
意道世界燈籠露柱皆可有名亦要世尊指出此妙精
神明喚作什麼物教我見佛忘世尊云我見香臺阿難
云我亦見香臺即是佛耶世尊云我見香臺則可知我
若不見香臺時你作麼生見阿難云我不見香臺時即
是見佛佛云我云不見自是我知汝云不見自是汝知
他人不見處你如何得知古人云到這裏只可自知與

久說不得只如世尊道吾不見時何不見吾不見之處
若見不見自然非彼不見之相若不見吾不見之地自
然非物云何非汝若道認見為有物未能拂迹吾不見
時如羚羊掛角聲響蹤跡氣息都絕你向什麼處摸索
經意初縱破後每破雪竇出教眼頭亦不須物亦不須
見與不見有只須見佛也

金象金牛譬不殊半邊暗漢半開半合扶籬摸麈作
什麼一刀兩段從來作者共符模西天四七唐土二
三天下老和尚如麻似粟猶自認在如今要見黃頭
老拙這老胡暗漢在什麼眼頭下剎剎塵塵在半途
眼頭下踉過了也更教山僧說什麼眼頭下還曾夢見麼

金象金牛譬不殊衆言摸象各說異端出涅槃經僧問
仰山和尚見人問禪問道便作一圓相於中書牛字意
在於何仰山云這箇也是閑事忽若會得不從外來忽
若不會決定不識我且問你諸方老宿於你身上指出
那箇是你佛性為復語底是默底是莫是不語不默底
是為復總括為復總不是你若認語底是如盲人摸着
象尾若認默底是如盲人摸着象耳若認不語不默底
是如盲人摸着象鼻若道物物都是如盲人摸着象四
足若道總不是拖本象底是心見如是眾盲所見只於
象上名馳差別你要好切莫摸象莫道見覺是亦莫道
不是祖師云菩提本無樹明鏡亦無臺本來無一物非

得染塵埃又云道本無形相智慧即是道作此見解者
是名真般若明眼人見象得其全體如佛見性亦然全
牛若出莊子庖丁解牛未嘗見其全牛順理而解游刃
自在更不須下手纔舉目時頭角蹄肉一時自解了如
是十九年其刃利如新發於硎謂之全牛雖然如此奇
特靈寶道縱使得如此全象全牛與眼中瞥更不殊從
來作者共名模直是作家也去裏頭摸索不着自從迦
葉乃至西天此土祖師天下老和尚皆只是名模靈寶
真截道如今要見黃頭老所以道要見即便見更要尋
覓方見則千里萬里也黃頭老乃黃面老手也你如今
要見刹刹塵塵在半途尋常道一塵一佛刹一葉一釋

迦盡三千大千世界所有微塵只向一塵中見當恁麼
時猶在半途那邊更有半途在且道在什麼處釋迦老
子尚自不知教山僧作麼生說得

警

責計切目疾

垂示云有佛處不得住住著頭角生無佛處急走過不
走過草深一丈直饒淨裸裸赤灑灑事外無機機外無
事未免守株待兔且道總不恁麼作麼生行履試舉看
舉長慶有時云寧說阿羅漢有三毒焦穀不生芽不
說如來有二種語已是諒釋也老子了不道如來無
語猶自顛顛早是七穿八穴只是無二種語周由者
也說什麼第三第四種保福云作麼生是如來語好
一撥道什麼慶云聾人爭得聞墮空啓告七花八裂

保福云情知你向第二頭道事。曉得明眼人。裂轉鼻
孔。何止第二頭。慶云作麼生。是如來語。錯却較些子。
保福云喫茶去。領復云。還會麼。蹉過了也。

長慶保福在雪峯。曾下常云。相舉覺商量。一日平常如
此。說話云。寧說阿羅漢有三毒。不說如來有二種語。梵
語阿羅漢。此云殺賊。以功能彰名。能斷九十八十一品
煩惱。諸漏已盡。梵行已立。此是無學。阿羅漢位。三毒即
是貪。瞋。癡。根本煩惱。八十一品。尚自斷盡。何況三毒。長
慶道。寧說阿羅漢有三毒。不說如來有二種語。大意要
顯如來無不實語。法華經云。唯此一事實。餘二則非真。
又云。唯有一乘法。無二亦無三。世尊三百餘會。觀機逗

教。應病與藥。萬種千般。說法畢竟無二種語。他意到這
裏。諸人作麼生。見得佛以一音演說法。則不無長慶要
且未夢見。如來語在何故。大似人說食。終不能飽。保福
見他平地上。說教。遂問作麼生。是如來語。慶云。聾人爭
得聞。這漢知他幾時。在鬼窟裏作活計。來也。保福云。情
知你向第二頭道。果中其言。却問師兄作麼生。是如來
語。福云。喫茶去。鎗頭倒被別人奪却了也。太小長慶失
錢遭罪。且問諸人。如來語還有幾箇。須知怎麼見得。方
見這兩箇漢。敗缺子。細檢點。將來盡合喫棒。放一線道。
與他理會。有底云。保福道得是。長慶道得不是。只管隨
語生解。便道有得有失。殊不知古人如擊石火。似閃電。

光如今人不去他古人轉處看只管去向下走便道長慶當時不使用所以落第二頭保福云喫茶去便是第一頭若只恁麼看到彌勒下生也不見古人意若是作家終不作這般見解跳出這窠窟向上自有一條路你若道龍爭得聞有什麼不是處保福云喫茶去有什麼麼是處轉沒交涉是故道他參活句不參死句這因緣與徧身是通身是因緣一般無你計較是非處須是你脚跟下淨裸裸地方見古人相見處五祖老師云如馬前相撲相似須是眼辨手親這箇公案若以正眼觀之俱無得失辨箇得失處分箇親疎長慶也須禮拜保福始得何故這箇些子巧處用得如電轉星飛相似保

福不妨牙上生牙瓜上生瓜頌云

頭等第一第二我王庫中無如是事古今榜樣隨邪逐惡作什麼卧龍不鑿止水同道方知無處有月波澄四海孤舟獨自行徒勞下度計什麼地有處無風浪起時投入還覺寒毛卓豎麼打云來也接揮客棹揮客勾賊破家鬧市裏莫出頭失錢遭罪三月禹門遭點額退已讓入萬中無王只得飲氣吞聲

頭等第一第二人只管理會第一第二正是死水裏作活計這箇機巧你只作第一第二會且摸索不着在雪竇云卧龍不鑿止水死水裏豈有龍藏若是第一第二正是止水裏作活計須是洪波浩渺白浪滔天處方有

龍藏正似前頭云澄潭不許蒼龍蟠不見道死水不藏
龍又道龍長怖瑤潭清所以道無龍處有月波澄風
恬浪靜有龍處無風起浪大似保福道喫茶去正是無
風起浪雪竇到這裏一時與你打疊情解頌了也佗有
餘韻教成文理依前就裏頭看一隻眼也不妨奇特却
道稜揮客稜揮客三月禹門遭點額長慶雖是透龍門
底龍却被保福驀頭一點

舉趙州示眾三轉語道什麼三段不同

趙州示此三轉語了未後却云其佛屋裏坐這一句忒
煞郎當他古人出一隻眼垂手接人畧借此語通箇消
息要爲人你若一向正令金提法堂前草深一文雪竇

嫌他未後一句漏逗所以削去只頌三句泥佛若渡水
則爛却了也金佛若渡壚中則鎔却了也不佛若渡火
便燒却了也有什麼難會雪竇一百則頌古詩較葛藤
唯此三頌直下有衲僧氣息只是這頌也不妨難會你
若透得此三頌便許你罷參

泥佛不渡水浸爛鼻孔無風起浪神光照天地于他
什麼事見免放鷹立雪如未休一人傳虛萬人傳實
將錯就錯阿誰曾見從來何人不離爲入寺看額二
六時中走上走下是什麼箇黎便是

泥佛不渡水神光照天地這一句頌分明了且道爲什
麼却引神光三祖初生時神光燭室且於霄漢又一夜

神人現謂二祖曰何久于此汝當得道時至宜即南之
二祖以神遇遂名神光又居伊洛傳及羣書每嘆曰孔
老之教祖述風規近聞達磨大師住少林乃往彼晨夕
參和達磨端坐面壁莫聞誨勵光自村曰昔人求道敲
骨出髓刺血濟飢布髮掩泥投崖飼虎古尚若此我又
何如其年十二月九日夜大雪二祖立於砌下遲明積
雪過膝達磨憫之曰汝立雪於此當求何事二祖悲淚
曰惟願慈悲開甘露門廣度羣苦達磨曰諸佛妙道曠
劫精勤難行能行非忍而忍豈以小德小智輕心慢心
欲冀真乘無有是處三祖聞誨勵向道益切潛取利刀
自斷左臂致于達磨前磨知是法器遂問曰汝立雪斷

極

臂當為何事二祖曰其中心未安乞師安心磨曰將心
來與汝安祖曰覓心了不可得達磨云與汝安心竟後
達磨為易其名曰慧可後接得三祖燦大師既傳法隱
於舒州皖公山屬後周武帝破滅佛法沙汰僧師往來
太湖縣司空山居無常處積十餘載無人知者宣律師
高僧傳載二祖事不詳三祖傳云三祖妙法不傳於世
賴值末後依前悟他當時立雪所以雪實道立雪如未
休何人不雕偽立雪若未休足恭諂詐之人皆效之一
時只成雕偽則是諂詐之徒也雪實頌泥佛不渡水為
什麼却引這因緣來用他參得意根下無一星事淨裸
裸地方須得如此五祖尋常教人看此三頌豈不見洞

山初和尚有頌示眾云五臺山上雲蒸飯古佛堂前狗
 屎天刹竿頭上煎餛飩子三箇胡孫夜數錢又杜順和尚
 道懷州牛喫米益州馬腹脹天下見醫人突猪左膊上
 又傳大士頌云空手把鋤頭步行騎水牛人從橋上過
 橋流水不流又云石人機似汝也解唱巴歌汝若似石
 人雪曲應須和若會得此語便會他雪竇頌也
 金佛不渡鑪煇却眉毛天上天下唯我獨尊人來訪
 紫胡又恁麼去也只恐喪身朱命牌中數箇字不識
 字底貓兒也無話會處天下衲僧揲鬚不得只恐喪
 身朱命清風何處無又恁麼去也頭上漫漫脚下漫
 漫又云來也

戶版切明兒

金佛不渡鑪人來訪紫胡此一句亦頌了也為什麼却
 引又來訪紫胡須是作家鑪鑪始得紫胡和尚山門立
 一牌牌中有字云紫胡有一狗上取人頭中取人腰下
 取人脚擬議則喪身朱命凡見新到便喝云看狗僧纔
 回首紫胡便歸方丈且道為什麼却咬趙州不得紫胡
 又丁夕夜深於後架呼云捉賊捉賊黑地逢着一僧攔
 臂捉住云捉得也捉得也僧云和尚不是某甲胡云是
 則是只是不肯承當你若會得這話便許你咬殺一切
 人處處清風凜凜若也未然牌中數箇字決定不奈何
 若要見他但透得盡方地頌云
 木佛不渡火燒却了也唯我能知常思破甑墮東行

西行有何不可。癩兒辜伴。杖子忽擊着在山僧手裏。
山僧不用。又阿誰手裏。無方知辜負我。似你相似。我
索不着。有什麼用處。蒼天蒼天。三十年後始得。寧可
永劫沉淪。不求諸聖解脫。若向箇裏。焉得。未免辜負
作麼生。得不辜負。去。拄杖子。未免在別人手裏。
木佛不渡火。常思破。龜隨此。一句亦頌。靈寶因此。木
佛不渡火。常思破。龜隨此。一句亦頌。靈寶因此。木
行。迴隱居。萬山。一日。須往入山。塢間。右。廟。其。靈。殿。中。
唯安一龜。遠近祭祀。不輟。烹殺物命。甚多。師入廟中。以
拄杖敲龜。三下。云。汝本薄土。合成靈從。何來。聖從。何
起。楚。康。烹殺物命。又乃擊三下。龜乃自領破。隨落。須臾。

有一人。青衣。戴冠。忽然立師前。設拜曰。我乃龜神。久受
業報。今日蒙師說無生法。已脫此處。生在天中。特來致
謝。師曰。汝本有之性。非吾強言。神再拜而沒。侍者曰。某
甲。等父。參侍和尚。未蒙指示。龜神得何徑。告使乃生天。
師曰。我只向伊道。汝本薄土。合成靈從。何來。聖從。何起。
侍僧俱無對。師云。會麼。僧云。不會。師云。禮拜着。僧禮拜。
師云。破也。破也。隨也。隨也。侍者。忽然大悟。後侍僧。舉似
安國師。師歎云。此子。會盡物我。一如。龜神。悟後。則。故。是。
其僧乃五蘊成身。亦云。破也。隨也。二俱開悟。且四大五
蘊。與。磚。瓦。泥土。是同。是別。既是如此。雲。實。為。什麼。道。杖。
子。忽。擊。着。方。知。辜。負。我。因。此。却。成。箇。辜。負。去。只是。未。得。

挂杖子在且道靈寶願木佛不渡火爲什麼却引破靈
隨公案老僧上截與你說他意只是絕得失情塵意想
淨裸裸地自然見他親切處也

垂示云拈一放一未是作家舉一明三猶乖宗旨直得
天地翻覆四方絕唱雷奔電馳雲行雨驟傾瀉倒巖壑
瀉盆傾也未提得一半在還有解轉天關能移地軸底
麼試舉看

舉金剛經云若爲人輕賤故一線道又且何妨長人
先世罪業猶曉焉載應箇惡道也今世人
輕賤故酬本及未只得忍受先世罪業向什麼處摸
索權教不生二耳則爲消滅雪上加霜又一重如湯

消衆

金剛經云若爲人輕賤是人先世罪業應墮惡道以今
世人輕賤故先世罪業則爲消滅只據平常講究乃經
中常論靈寶拈來須這意欲持破教家鬼窟裏活計昭
明太子和此一分爲能淨業障教中大意說此經靈驗
如此之人先世造地獄業爲善力強未受以今世人輕
賤故先世罪業則爲消滅此經故能消無量劫來罪業
轉重成輕轉輕不受復得佛果菩提據教家轉此二十
餘張經便喚作持經有什麼交涉有底道經自有靈驗
若恁麼你試將一卷放在側處看他有感應也無法服
云證佛地者名持此經經中云一切諸佛及諸佛阿耨

打

為持

多羅三藐三菩提法皆從此經出且道喚什麼作此經
莫是黃卷赤軸底是麼且莫錯認定盤星金剛論於法
體堅固故物不能壞利用故能摧一切物擬山則山摧
擬海則海竭就論彰名其法亦然此般若有三種一實
相般若二觀照般若三文字般若實相般若者即是真
智乃諸人脚跟下一段本事輝騰今古迥絕知見淨裸
裸赤灑灑者是觀照般若者即是真境二六時中放光
動地聞聲見色者是文字般若者即能詮文字即如今
說者聽者且道是般若不是般若古人道人人有一卷
經又道手不執經卷常轉如是經若據此經靈驗何止
轉重令輕轉輕不受設使斂聖功能未為奇特不見龐

居士聽講金剛經問座主曰俗人敢有小問不知如何
主云有疑請問士云無我相無人相既無我人相教阿
誰講阿誰聽座主無對却云某甲依文解義不知此意
居士乃有頌云無我亦無人作麼有疎親勸君休座
爭以直求真金剛般若性外絕一纖塵我聞并信受總
是假稱名此頌最好分明一時說了也圭峯科四句偈
云凡所有相皆是虛妄若見諸相非相即見如來此四
句偈義全同證佛地者名持此經又道若以色見我以
音聲來我是人行邪道不能見如來此亦是四句偈但
中間取其義全虧消問晦堂如何是四句偈晦堂云話
墮也不知雪竇於此經上指出若有又持此經者即是

諸人本地風光本來面目若據祖令當行本地風光本來面目亦斬為三段三世諸佛十二分教不消一捏到這裏設使有萬種功能亦不能管得如今人只管轉經都不知是箇什麼道理只管道我一日轉得多少只認黃卷赤軸巡行數墨殊不知全從自己本心上起這箇唯是轉動些子大珠和尚云向空屋裏堆數函經看他放光麼只以自家一念發底心是功德何故萬法皆出於自心一念是靈既靈即通既通即變古人道青青翠翠何盡是真如綠葉黃花無非般若若見得徹去即是真如忽未見得且道作麼生喚作真如華嚴經云若人欲了知三世一切佛應觀法界性一切唯心造你若識得

教

去達境遇緣為生為宗若未能明得且伏聽處分雪竇出眼須大既要明經要驗也頌云

明珠在掌上通霄燦下徹黃泉道什麼四邊諸說入面玲瓏有功有賞多少分明隨他去也忽若無功時作麼生賞胡漢不來內外絕消息猶較些子全無伎倆及轉波交涉向什麼處索討欲求相見伎倆既無你上問去問誰恁麼道彼何失途勘破了也這外道魔王尋踪跡不見瞿曇瞿曇無眼顧不見咄識我也無咄勘破了也復云勘破了也一棒一條痕已在言前

明珠在掌有功者賞若有久持得此經有功驗者則以

珠寶之他得此珠自然會用胡來胡現漢來漢現當集
森羅縱橫顯現此是有功勳漢服云證佛地音多持此
經此兩句須公案里胡漢不來全無伎倆雪竇裂轉
升也有胡漢來則教你現若忽胡漢俱不來時又且如
何到這裏佛眼也觀不見且道是功勳是罪業是胡是
漢直似羚羊掛角無聲響蹤跡氣息也無何什麼處
摸索至使諸天捧花無路魔外替觀無門是故洞山和
尚一生住院土地神覓他蹤跡不見一日厨前拋飯米
匙洞山起心曰常住物色何得作踐如此土地神遂得
一見便禮拜雪竇道使倆既無若到此無伎倆脫口
也教失途世尊以一切衆生爲赤子若有入發心修

換

震

行渡旬宮殿爲之振烈他便來心亂修行者雪竇道直
饒波旬恁麼來也須教失却途路無近傍處雪竇更自
點雪云瞿曇瞿曇識我也無莫是波旬任是佛來還識
我也無釋迦老子尚自不見諸人向什麼處摸索復云
助破了也且道是雪竇勘破瞿曇瞿曇勘破雪竇具眼
者試是當看

五山和尚云雪竇道二

垂示云二夏嘵嘵打葛藤幾平絆倒五湖僧金剛寶劍
當頭截始覺從來百不能此道作麼生是金剛寶劍則
上眉毛試請露鋒銚看

舉天平和尚行脚時參西院常云莫道會佛法見箇
舉話人也無漏迤不少這漢是則是漢奈靈龜曳尾

道

一曰西院遙見召云從前錯錯搭索子也平鑿頭看
兩重公索西院云錯也須是錯裏過始得劈腹刺
心三要即因朱點窄未容擬議主賓分平行三兩步
已是半前落後這漢泥裏跌土却西院又云錯劈腹
刺心人皆喚作兩重公案殊不知修木公木如金博
金平近前依前不介落處展轉摸索不若西院云適
來這兩錯是西院錯是上座錯前箭猶輕後箭深平
云從前錯錯認馬鞭搖喚作聽十鎖似德麻袖作打
殺千箇萬箇有什麼罪西院云錯雪上加霜平休去
錯認定盤星果然不知落處執知你鼻孔在別人手
裏西院云且在這裏過更待共上座商量這兩錯而

華
律

院尋常春寒似錯當時何不超然此去平當時便
行也似初錯似則似是則未是後住院謂眾云前見
思舊債也須是點過我當初行脚時被業風吹到思
明長老處連下兩錯更留我過更待共我商量我不
道德麻時錯我發足向南方去時早知道錯了也爭
奈這兩錯何千錯萬錯爭奈沒交涉轉見那當愁殺

人
猶於宜切水文也

思明先參太覺後承嗣前寶壽一日問踏破化城來時
如何壽云利劍不斬死漢明云執壽便打思明十回道
斬壽十回打云這漢着甚死急將箇死死抵他痛棒逐
喝出其時有一僧問寶壽云適來問話底僧甚有道理

把院手一搖院手停者以取思
院手一搖院手停者以取思

和尚方便接他寶壽亦打趕出這僧且道寶壽亦趕這
僧唯當道他說是說非且別有這理意作麼生後來俱
承嗣寶壽思明一日出見南院院問云甚處來思明云許
州來院云將得什麼來思明云將得箇江西剃刀戲與和
尚院云既從許州來因甚却有江西剃刀思明以衣袖
拂一拂院云侍者收取思明云阿刺刺太平僧人蘇山主
來為他到諸方參得此蘇山主剃刀戲與思明思明輕
開大口道我會禪會道常云莫道會佛法竟箇學話人
也無氣臭氣薰父只管放輕薄且去諸佛未出世祖師
未出未來未有問答未有公案已前還有禪道麼古人事
不獲已對機語未後人喚作公案因世尊拈花迦葉微

進

笑後來阿難問迦葉世尊傳金襴外別傳何法迦葉云
阿難阿難應諾迦葉云倒却門前刹竿着只如未拈花
阿難未問已前甚處得公案來只管被諸方冬瓜印子
印定了便道我會佛法奇特莫教人知天平正如被
西院叫來連下兩錯直得周惶惶怖分疎不下前不攜
村後不遠店有者道說箇西來意草錯了也殊不知西
院這兩錯落處諸人且道落在什麼處所以道他參活
句不參死句天平舉頭已是落二落三了也西院云錯
他却不着得當陽用處只道我肚皮裏有禪莫帶他又
行三兩步西院又云錯却依舊果漫漫地天平乃前西
院云適來兩錯是西院錯是上座錯天平云從前錯且

百一十

卷二

喜沒交涉已是第七第八頭了也西院云且在這裏度夏待共上座商量這兩錯天評管即便行似則也似是則未是也不道他不是只是起不上雖然如是却有些子納僧氣息天平後住院謂眾云我當初行脚時被業風吹到思明和尚處連下兩錯更留我度夏待共我商量我不道恁麼時錯我發足向南方去時且知道錯了也這漢也煞道只是落第七第八頭料掉沒交涉如今人聞他道發足向南方去時早知道錯了也便去度道未行脚時自無許多佛法禪道及至行脚被諸方熱瞞不可未行脚時換地作天喚山作水幸無一星事若總恁麼作流俗見解何不買一片帽戴大家過時有什

麼用處佛法不是這箇道理若論此事豈有許多般葛藤你若道我尋他不曾擔一擔禪達天下起被明眼人勘破一點也使不着靈實正如此須出

禪家流漆桶一鉢領過愛輕薄也有些子呵佛罵祖如麻似粟滿肚參來用不着只宜有用處方木不逗圓只圓裏與他同參堪悲堪笑天平老天下初僧跳不出不怕旁人攢眉也得入鉢問却謂當初悔行脚未行脚已前錯了也踏破草屨堪作何用一筆勾下錯錯是什麼雪竇已錯下名言了也西院清風頓錯錯西院在什麼處何似生莫道西院三世諸佛天下老和尚亦領箇退三千始得於斯會得許你天下橫

行復云忽有箇衲僧出云錯一采領過猶載此字
錯錯何以天平錯西院又出此字款結案按沒交涉
且道畢竟如何云錯

禪家流愛輕薄滿肚參來用不看這漢會則會只是用
不得尋常目視雲霄道他會得多少禪及至向烘鑪裏
燒香來一點使不着五祖先師道有一般人參禪如
琉璃瓶裏搗糝糕相似更動轉不得持攪不出觸着便
破若要活潑潑地但參皮殼漏子禪直向高山下撲將
下來亦不破亦不壞古人道設使言前藉得猶是鐵殼
迷封直饒切下精通未免觸途狂見堪悲堪笑天平老
却謂當初悔行脚雪竇道堪悲他對人說不出堪笑他

天

會一肚皮禪更使此字不着錯錯這兩錯有者道天平
不會是錯又有底道無語底是錯有什麼交涉殊不知
這兩錯如擊石火似閃電光是他向上人行履處如便
劍斬之有取人咽喉命根方斷若向此劍刃上行得丈
上縱八橫若會得兩錯便可以見西院清風頓銷錯雪
竇云雪竇舉此話忌道錯我且問你雪竇這兩錯何似
天平錯且舉此字

便仗

什麼人境界試與看
翠雨來常問忠國師如何是十身調御作家君王太

唐天子也合知恁麼頭上搭輪冠時不無憂國師
云檀越踏毗盧頂上行須彌那把手共行猶有這
箇在帝云寡人不會何不領話可惜許多彩不分付
帝當時便喝更用會作什麼國師云莫認自己清淨
法身雖然葛藤却有出身處醜後郎當然殺人
肅宗皇帝在東宮時已參忠國師後來印之愈篤
出入迎送躬自捧車輦一日致箇問端來問國師云如
何是十身調御師云檀越踏毗盧頂上行國師平生一
條赤梁骨硬如生鐵及至帝王面前如爛泥相似雖然
答得康纖却有箇好處他道你要會得檀越須是向毗
盧頂上行始得他却不着更道寡人不會國師後面

光

忒然郎當落草更注頭上底一句云是錯認自己清淨
法身所謂人人具足箇箇圓成看他一放一收八面受
敵不見道善為師者應機設教看風使帆若只僻守一
隅豈能回互看他黃檗者善能接人遇着臨濟三回便
痛施六十棒臨濟當下便會去及至為裴相國葛藤忒
煞些子不是善為人師忠國師善巧方便接肅宗帝蓋
為他有八面受敵底手段十身調御者即是十種他受
用身法報化三身即法身也何故報化非真佛亦非說
法者據法身則一片虛凝靈明寂照太原亭上座在揚
州光孝寺講涅槃經有游方僧即从山與座在寺墻雪
因往聽講講至三因佛性三德法身廣談法身處理與

座忽然失笑。字乃曰。顧講罷。令諸禪者問云。某素智決。劣依文解義。適來講次。見上人失笑。某必有所短之處。請上人說。典座云。座主不問。即不敢說。座主既問。則不可不言。某實是笑。座主不識法身。字云。如此解說。何處不是。典座云。請座主更說。一徧字曰。法身之理。猶若太虛。空寂三際。橫亘十方。彌綸八極。包括二儀。隨緣起感。靡不周徧。典座曰。不道。座主說不是。只識得法身量邊事。竟未識法身法身。字曰。既然如是。禪者當為我說。典座曰。若如是。座主暫緩。講曰。日於靜室中。端然靜慮。收心攝心。善惡諸緣。一時放却。自窮究竟。有一依所。言從初夜至五更。聞鼓角鳴。忽然契悟。便去。叩禪者門。典座曰。

阿誰字曰。其中。典座出曰。教汝傳持。太教代佛說法。亦半為什麼。醉酒卧街。字曰。自來講經。將生身父母鼻孔。扭捏。從今日已後。更不敢如是。看他奇特。漢只去。箇昭昭靈靈。落在驢前馬後。却是打破業識。無一絲毫頭可得。猶只得一半。在。古人道。不起纖毫。修學心。無相光中。常自在。但識常寂滅底。莫認聲色。但識靈知。莫認妄想。所以道。假使鐵輪頂上。旋定慧圓明。終不失達磨。問二祖。汝立雪斷臂。當何事。祖曰。某甲心未安。乞師安心。磨云。將心來。與汝安。祖曰。且心。了不可得。磨曰。與汝安心竟。二祖忽然領悟。且道。正當恁麼時。法身在什麼處。長沙云。學道之人。不識真。只為從前。認識神。無量。

劫來生死老癡人喚作本來人如今人只認得箇昭昭
靈靈使瞠眼努目弄精蒐有什麼交涉只如他道莫認
自己清淨法身且如自己法身你也未夢見在更說什
麼莫認教家以清淨法身為極則為什麼却不教人認
不見道認著依前還不是咄好便與林會得此意者始
會他道莫認自己清淨法身當實嫌他老波心切爭奈
爛泥裏有刺豈不見洞山和尚接人有三路所謂玄路
鳥道展手初機學道正向此三路行履僧問師云常教
學人行鳥道未審如何是鳥道洞山云不逢一人僧云
如何行山云直須是下無私去僧云只如行鳥道莫便
是本來面目否山云闍黎因什麼顛倒僧云什麼處是

學人顛倒處山云若不顛倒為什麼認奴作郎僧云如
何是本來面目山云不行鳥道須是見到這般田地
有少分相應直下打疊教前迹吞聲猶足納僧問下沙
彌重行見解在更須回首塵勞繁興大用始得雲霞頌
云


足下無私

一作無絲

一國之師亦強名何必空花水月風過樹頭搖南陽
獨許振嘉聲果然坐穩要津千箇萬箇中難得一箇
半箇大士結扶得真天子可憐生接得堪作何用接得
瞎衲僧濟什麼事曾踏毗盧頂上行一切人何不恁
麼去直得天上天下上座作麼生踏蹴毘盧碎黃金
骨暢快平生已在言前天地之間更何物茫茫四海

少知音。全身擔此鐵沙撒土。三千刹海夜沉沉。高着
眼。把定封疆。待入鬼窟裏。去那不知誰入。蒼龍窟
三十棒。一棒也。少不得拈了也。還會懸出諸人鼻孔。
被雪竇穿了也。莫錯認。自己清淨法身。

一國之師亦強名。南陽獨許振嘉聲。此頌一似箇真贊。
相似不見道。亞人無名喚作國師。亦是強安名了。國師
之許不可比。會善能應接。獨許南陽是箇作家。大
唐扶得真天子。曾踏毗盧頂上行。若是具眼衲僧。眼腦
須是向毗盧頂上行。方見此十身調御佛。謂之調御便
是十號之一數也。一身化十身。十身化百身。乃至千百
億身。太綱只是一身。這一頌却易談。後頌他道。莫認自

已清淨法身。須得水灑不着。直是難下口。說鐵鎚擊碎
黃金骨。此頌莫認自己清淨法身。雪竇武煞讚數作黃
金骨。一鎚擊碎了也。天地之間更何物。直須淨裸裸。赤
灑灑。更無一物可得。乃是本地風光。一似三千刹海夜
沉沉。三千大千世界香水海中。有無邊刹。刹有一海。
正當夜靜更深時。天地一時澄澄地。且道是什麼。切忌
作閉目合眼會。若恁麼會。正墮在毒海。不知誰入。蒼龍
窟。展脚縮脚。且道是誰。諸人鼻孔。一時被雪竇穿却了
也。
 一作澄澄

垂示云。收因結果。盡始盡終。對面無移元。不曾說忽有
箇出來道。且請些爲什麼。不曾說待你悟來。向你道。

且道爲復是當面語却爲復別有長處試舉看
三舉僧問巴陵如何是吹毛劍斬發陵云珊瑚枝枝撐
着月光吞萬象四海九州

巴陵不動干戈四海五湖多少人舌頭落地雲門接人
正如此他是雲門的子亦各具箇作畧是故道我愛韶
陽新定機一生與人抽釘拔楔這箇話正恁麼地也於
一句中自然具三句蓋乾坤句截斷衆流句隨波逐
浪句答得也不妨奇特淨山遠錄公云未透底人參句
不如參意透得底人參意不如參句雲門下有三尊宿
答吹毛劍俱云了唯是巴陵答得過於了字此乃得句
也且道了字與珊瑚枝枝撐着月是同是別前來道了

句可辨一鏃際空要會這話須是絕情塵意想淨盡
見他道珊瑚枝枝撐着月若更作道理轉見摸索不着
此語是禪用懷友人詩曰厚似鐵圍山上鐵薄似雙成
仙體纏蜀機鳳雛動聲聲珊瑚枝枝撐着月王凱家中
藏難屈顏面飢漢愁天雪古檜筆直雷不折雪衣石女
蟠桃缺佩入龍宮步步遲遲繡簾銀轡何參差即不知驪
龍失珠只不知巴陵於句中取一句答吹毛劍則是快
劍乃上吹毛試之其毛自斷乃利劍謂之吹毛也巴陵
只就他問處便答這僧話頭落也不知頌云
要平不平細若蟬蛭大丈夫漢列建德麼太巧若拙
不動聲色藏身露影或指或掌看果然這箇不是倚

知寂

天照雪斬觀者則暗太治兮磨龍不下更用燐煉作
什麼干將莫能求良士兮拂拭未試人莫能行直饒
干將出來也創退三千別別咄有什麼別處讚美有
牙珊瑚枝枝撐着月三更月落影照寒潭且道向什
麼處去直得天下太平醉後即當愁殺人
要平不平大巧若拙古有俠客路見不平以強凌弱
飛劍取強者頭所以宗師家肯藏寶劍袖掛金鎗以斷
不平之事大巧若拙巴陽客處要平不平之事爲他話
武煞傷巧返成拙相似何故爲他不當面揮來却去僻
地裏一截暗取人頭而人不覺或指或掌倚天照雪會
得則如倚天長劍凜凜神威古人道心月孤圓光吞萬

象光非照境境亦非存光境俱忘復是何物此寶劍以
現在指上忽現掌中昔日慶藏主說到這裏豎手云還
見麼也不必在手指上也雪竇借路經過教你見古人
意且道一切處不可不是吹毛劍也所以道三級浪高
魚化龍疑人猶岸夜塘水祖庭事苑載孝子傳云楚王
夫人嘗夏乘涼抱鐵柱感孕後產一鐵塊楚王令干將
鑄爲劍三年乃成雙劍一雌一雄干將密留雄以進雌
於楚主王秘於匣中常開悲鳴主問羣臣臣曰劍有雌
雄鳴者憶雄耳主大怒即收干將殺之干將知其悲乃
以劍藏屋柱中因囑妻莫言曰日出北戶南山其松松
生於石劍在其中妻後生男名眉間赤年十五問母曰

父何在母乃述前事又思惟割柱得劍日夜欲為父報
辭楚主亦疑其久宮至言有得眉間赤邪曰然客曰吾解山
亦遂逃俄有客曰子得非眉間赤邪曰然客曰吾解山
人也能為子報父讎赤曰父昔無辜柱被荼毒君今惠
念何所願邪客曰當得子頭并劍赤乃與劍并頭客得
之進於楚王王大喜客曰願煎油烹之王遂投於鼎中
客諡於王曰其首不爛王方臨視客於後以劍凝玉頭
墮鼎中於是二首相鑿尋亦俱爛川本無此雪竇道此劍能倍天
之三頭相鑿尋亦俱爛雪竇道此劍能倍天
照雪得常道倚天長劍光能照雪這此子用處直得大
冷兮磨礪不下佳是良工拂拭也未歇良工即干將是

也故事自願雪竇道末後顯出道別別也不妨奇特
別有好處與尋常劍不同且道如何是別處珊瑚枝枝
撐着月可謂光前絕後獨據寰中更無等匹畢竟如何
諸人頭落也老僧更有一小偈

萬斛盈舟信手擎

却因一粒甕吞蛇

拈提百轉舊公案

撒却時人幾眼沙

佛果園悟禪師碧巖錄卷第十終

中張氏
書隱刺

後序

雪竇頌古百則藁林學道詮要也其間取譬經論或
儒家文史以表明此事非具眼宗匠時為後學轉揚
剖析則無以知之

園悟老師在成都時予與諸人請益其說師後住夾
山道林復為學徒和之凡三提宗經語雖不同其旨
一也門人擬而錄之既二十年矣師未嘗過而問焉
流傳四方或致駁駁諸方且因其言以其道不能導
繹之而妄有改作則此書遂廢矣學者幸諦其傳為
宣和乙巳春暮上沐平人關友無黨記

和

諦

重刊園悟禪師碧巖集疏


雪竇頌古百則園悟重下注胸中藁藁林永垂
宗旨經也此入機鋒捷出大慧密室勘辨知真
實病教棒不傳權也此書諸佛心眼列祖大機
兩經針鉅一無瑕類意欲與大慧長壽並駕同
園悟心要無行揭杲日於迷途指南鍼於慧海
快哉一觀開彼群愚和與園成不無利益蓋甚
右伏以十七歲便悟雲門睦州可道是口頭生
昧二百年不見碧巖雪竇金鑑通渠手下一文憑

得弓冶裏其無窮如必種草隨人去勝踪
後轉誰下得釣龍鉤有箇具眼目底來不看作
轉驢據此事豈如後喻必時自會金忘家門
戶透長安前者後者應種、因緣歸大數者
之慶今之興莫恠山僧口說終是老婆心切不
殘東土書安知西來意重興一代宗風雖立南
去鴈看取北來魚便有十分消息持同文印續
無盡燈蓮路

金月 日錄

圓悟老祖居夾山時集成此
書欲天下後世知有佛祖云
奧豈小補哉老妙喜深患學
者不根於道溺于知解由是
毀之謂其父子之間予看可
乎今竭中張居士重為叔行

果何謂哉覽者其自擇焉大
德壬寅中秋任天童第七世
法孫比丘淨日拜手謹書



圓悟禪師評唱雪竇和尚
頌古一百則剖決玄微抉剔
幽邃顯列祖之機用開後學
之心源況妙知虛疑神機默
運晶旭輝而玄扃洞照圓
蟾升而幽室朗明豈淺識所

能致極哉。後大慧禪師因學
人入室下語頗異。疑之。纔勘而
邪鋒自挫。再鞠而納款。自降
曰。我碧巖集中記來。實具非
有悟。因慮其後不明根本。專
尚語言。以圖口捷。由是火之。以救

斯弊也。然成此書。火此書。其因
心則一。豈有二哉。峨眉中張明遠
偶獲寫本。後冊又獲雪堂刊
本。及蜀本校訂訛舛。刊成此
書。流通萬古。使土根大智之士
一覽見而頓開本心。直造無疑。

之地豈小補云乎哉延祐丁巳
佛會月徑山住持比丘帝陵拜
書以為後序



儒明子貢極有功於東家聖人藉令白馬見
影而奔皆如驢若乎後之類子吾聖師遊乎何
言之天久矣靈山會上四眾海集世尊拈花宗
旨諸人罔措獨迦葉尊者微為之破顏與吾教
中一唯之外口耳俱喪同一頓徹懸悟當時曾
參不直下剗擊忠恕之祕論豈惟門人之惑茲
悲千載之下可法一貫之迷雲乎異時成都
佛果園悟老禪湧夾山丈室拈提雪竇頌古百
則其大弟子果上座懼學人泥於言句辜負從
上諸祖取老和尚舌頭一截係付烈焰而融

之拉攏堆自以臣壑太虛投置毫滴如古德篋
山賣弄油糝婆前此疏鈔已埃冷而無餘矣野
火燒不盡春風吹又生花落碧巖陽坡如繡磨
過去劫死灰從不知何許許多葛藤一一從
嵎中張居士手栽無影樹子上全體敗露直得
般若無說諸夫兩花百七八十年衲倚舊地橫
寧鳥孔從前不曾嗅底寶熏一旦水湧雲蒸於
八万四千毛孔悉音悉徧可謂甚深希有難值
難遇之事已而居士二子得心疾或謂勤實經
果上座燬板居士不當拾遺燼而日月光景

故受如是報居士者疑其說以廢於予予謂
悟門人人人而果上座碧巖自碧何得有說果
上座見月亡指遂乃追尤古佛毒燎冥天倒却
剎竿不放一錢彼未嘗識月者誰將乘一指而
示之或者又謂果上座火此書盟之社鬼者深
重居士二子之患正坐此多謂當果上座灼然
衰炬時煉得此通紅何緣密室通風老勤巴
命門舌根別自有不壞處一星迸散明月空山
張居士那裏得這消息來把天然一段西蜀錦
機依舊織作舊日花樣意者主林神陰為之地

訶護至今料之是此書合出世巨緣時節清涼
池上針芥相逢則書寫讀誦為入演說之功應
獲殊勝福德何況金石刻鏤展轉流布居士二
子之心疾根大不在此客作漢妄以情識卜
度居士緣其目前不足計校之禍福亦以情識
卜度之是相隨赴火坑也豈不冤哉冥驗記沛
國周氏三子並癘一日有客造門曰君可內省
宿愆忽猛憶兒時見燕窠三子伺其母出各以
一蔕燕吞之斯須共斃母還悲鳴而去常自悔
責客曰君既知悔責罪今免矣三子即皆能

然則居士二子之病風喪心得無亦有可悔
之事乎談般若者若為人輕賤是人先世罪業
應墮惡道以今世人輕賤故先世罪業即為消
滅居士能於此有省終无始劫來所造諸業當
應時消滅即君二子之心疾當如周氏三子之
應時能言可以不疑世尊住世四十九年六百
函文字覆藏曾以若從果上座之說萬年一念
更覺其作麼向上禪林無限尊宿有兩句最
端的曰任你即心即佛我但非心非佛今而後
有謗如來正法輪者君但應之曰任汝說果上

座底是我只說勤老師底是客。如是即恐燎
却面明四百四病一時發矣。將如居士二子心
疾付付古人道養子方知父母恩。居士學佛
知恩臨老憐憐信日你家爐前跪出丈六金身。
不知還見勤老師真箇揚眉豎拂否。若還一句
薦得向道佛祖有誓罪不重科。莫殃及他家兒
孫好。雖然如是且得沒交涉。是年延祐丁巳中
元日海粟老人馮子振題。



